

權以保衆姓所捐之寺產。設布教場。議僧學堂。舉浙省官紳之全力以與之抗。幾不能勝。及保護寺產之。上諭降。而三十六寺僧。悉就範圍。布教場可以不復設矣。僧學堂可以不議開矣。利既可保。教可不論。紳僧互訂條約。見初五日報而浙僧引日本國權之風潮息矣。浙省之風潮既息。而京師又有僧人覺先。具稟學務處。請設佛教學務公所。亦見初五日報保利乎。保教乎。利用日本之國權乎。不利用日本之國權乎。吾雖未可必。然而以感化言。亞教有進取之旨。佛教有寂滅之旨。故亞教之行於中國。可爲對病發藥。而佛教之盛行。則可使中國人心志愈灰。興會愈淡。即痼疾愈深。故佛教既衰。吾人不必再爲之鼓動。以抵制言。佛教而不藉他國之國權。猶可說也。佛教而藉他國之國權。則其爲禍必烈於亞教。亞教之中。有與中國人習慣之風俗。先入之迷信。奉行之禮法。不同者。故雖得國權之助。尙未能胥國之人而奉之。佛教之別宗。則與中國人之風俗。迷信禮法。一一吻合。若再有強國之國權。以相助。必致胥國之人而奉之。而他國之國權。亦即隨所在而驅策我。挾制我。我尙何國。故其爲禍必較亞教爲烈也。願提倡佛教者。三復斯言。

論佛教國同盟 錄乙巳第十三期外交報

靜觀萬物之理。凡有多數之物。彼此相爭。久之必漸併而爲一大派。相與對待而立。此二派

者。其對待而立之日。或至甚久。未可知也。若其不然。中有一派。竟自僵仆。而讓一派獨立無對。以占此世界。則此一派中。又必自行分析。而成二派。如此演之。遞嬗無窮。永無一派獨立無對之日。此觀萬物。莫不然矣。而人事尤甚。夫世界之初。人嘗與動物爭矣。未幾而人獨存。於是人又與人相爭。劣者先亡。優者繼進。終無一種一教。可以自稱無敵者。此殆造物至玄妙。不可思議之公例。非物類所能違。所以宗教家推理想之極致。必分之為二元。佛教立佛說。與波旬說。為對待。耶教回教立天帝與魔鬼。為對待。孔教立一陰一陽。為對待。格致家窮實驗之。匯歸亦必分正電與負電。為對待。過此以往。即非理想言詮。所能證解矣。由是觀之。則萬有之源。必非有二而萬化之用。必不僅一也。而天演之理。遂行乎其中矣。

試舉近來之人事觀之。黃色人立政教於東方。白色人立政教於西方。其開化之時。均在萬年以上。伏巖神農與埃及巴比倫同時進步之時。又均在二千年以上。三千年以下。春秋戰國九流並起與釋迦耶穌降世及希臘在四五百年之內。其種族之年齒。彼此正等。而一處東海一處西海左右。大瀛中梗沙磧無由相見。固各以其所行之政教。為至善而不可易也。而彼此四鄰之小族。其文化又未足與之頡頏。其政教益無由見比較之驗。即使其間偶有小小之交通。而無切己之利害。則莫不以殊族異政。資為談劇。無人為之剖豪析芒。揣度勝負也。惟一旦因用器物質之發明。得去

宗教

四十三

乙巳

交通之阻礙而萬里如在戶庭。於是相刃相刺之切而有不兩立之勢。則東西政教之優劣其分別將不以空言而以實事矣。

由人種之競爭。其黑種紅種櫻色種。先後淪亡。漸併而為黃白二大種。即由文化之競爭。其

間無數之別教。如祇教婆羅門教回教猶太教中國之天師教以及各部族之土教其教雖不即滅而皆有不能統攝世界之勢 先後淪亡。漸併而

為釋迦耶穌二大教。中國儒教僅於政治上見之。就風俗習尚而言則實為佛數國 先是白人與耶教。已駸駸有統一宇內

之勢。實亦幾公認而不疑。然究其實而論之。西方之進化。指歐洲政治改良以來 不過較東方先二

百年耳。人類之存亡為世界莫大之事。其因果皆積數百萬年而後定。以數百萬年之事而繫

之。二百年猶日暮也。固不能即為勝敗之據矣。故及日俄之戰而黃白種之問題於是又騰

佈於世界。

佛敎國同盟之說亦萌芽於此時之政治家。其意見本報頗已譯登。係為論東邦攻守同盟

教進誌見本報一百七期譯報第一類 此說雖不過一時理想。將來或竟光大。或即消滅。均不可知。然亦有

對待而起。即循上文所言之公例。非漫然無根據者。當甲午中日交戰時。德皇曾親繪一圖。

以贈俄皇。圖中畫一大水。水之東有一佛像。合掌乘龍。豪光四徹。西向渡海而至。水之西有

陸地。地上立有天神。手持火劍。此耶教中天神之像。彼數以為上帝之使者 西顧叱咤。若指揮其同類。以迎敵者。

其後列類天神者六人。各持劍盾而立。空中則懸一大十字架。此畫之意。純用寓言。佛像表泰東佛教各國。天神持劍。德皇自喻。其後之六人。表歐美各國。十字架表耶穌。其意以爲日既勝中。則各佛教國皆將興起。積漸將侵入歐洲。以白人所以加諸黃人者。還以加諸白人。此其端。惟已先見之。故願率西方耶教諸國及其未至而共拒之也。此圖成之十年以前。西人未之奇也。及日人再勝俄人。則此圖之意。已有端倪。而黃禍之說。乃大佈於歐美。是不啻隱懸一耶教同盟之意。以示東方而東方亦遂有佛教國同盟之說。至於所謂佛教國者。中國日本印度蒙古暹羅韓國皆是也。

此問題之大。實爲世界至鉅之事。其成敗利鈍。本報自維所具之學識。與所立之地位。皆不足以論定之。毋甯付之蓋缺。惟此等至大無比之風潮。已徧傳於天下。而我國內地諸人。多有不知其事者。是以本報不敢不舉其事之源委。以告我國人。使知今日固有如是之問題云爾。

### 各省教務彙誌

京師 僧人覺先曾遊日本。徧覽彼國佛教徒所設各種學校。回華後。因至京師。具稟學務處。請設中國佛教學務公所。并集款開辦學校及工藝院等事。當奉學務處批示。略云。該僧覺先。知我國佛教之衰。皆由僧人無學。洵爲知本之論。該